

## ՀԱՅԿԱԿԱՆ ՍՍՌԻ ՎԱՐՉԱ-ՏԵՐԻՏՈՐԻԱԼ ԲԱԺԱՆՈՒՄԸ

«Հայկական ՍՍՌ վարչա-տերիտորիալ բաժանում» տեղեկագիրը պատրաստված է Հայկական ՍՍՌ Գերագույն Սովետի ինֆորմացիոն-վիճակագրական բաժնի կողմից և լույս է տեսել Հայպետհրատի հրատարակությամբ, նույնօրինակ բովանդակությամբ հրատարակվել է հայերեն և ռուսերեն:

Տեղեկագրի մեջ տրված են տեղեկություններ Հայկական ՍՍՌ տարածության և բնակչության մասին, նրա կազմվելու և ՍՍՌՄ կազմի մեջ մտնելու ժամանակի, բնակավայրերի զանազան տիպերի, 31 վարչական շրջանների ու նրանց կենտրոնների հեռավորության մասին Երևանից ու մոտակա երկաթուղային կայանից և այլն:

Մենք այժմ ունենք երեքական ենթակայության քաղաքներ՝ Երևանը, Լենինականը և Կիրովականը: Բացի այդ, Հայկական ՍՍՌ-ում այժմ կա ռայոնական ենթակայության ինոքազար, այն է՝ Ալավերդին, Արթիկը, Գորիսը, Դիլիջանը, Էջմիածինը, Հոկտեմբերյանը, Ղափանը, Նոր Բայազետը և Մոսկովականը:

Տեղեկագրի առաջին հրատարակության համեմատ նախկին 8 քաղաքատիպ ավանների փոխարեն ռեսպուբլիկայում այժմ գոյություն ունի 21. Նոր քաղաքատիպ ավաններ են դարձել Ագարակը (Մեղրու շրջանում), Ախթալան, Ախտան, Արզնին, Դաստակերտը, Թումանյանը, Նոր Կյանքը, Զերմուկը, Սովետաշենը, Սպիտակը և այլն:

Տեղեկագրի վերջում կցված են այրբենական կարգով կազմված՝ Գյուղական Սովետների, գյուղական բնակավայրերի՝ այժմյան և նախկին անունների ցուցակները:

Հայկական ՍՍՌ վարչա-տերիտորիալ բաժանման տեղեկագրի 2-րդ հրատարակությունը լույս է տեսել շատ ավելի բարեկարգ վիճակում, քան Ն. Ադամյանի իմրագրությամբ:

Այս անգամ նկատի են առնված 1-ին հրատարակության [1948 թ.] վերաբերյալ պարբերական մամուլում լույս տեսած դիտողությունները: Պետք է նշել, որ նման հրատարակությունները կազմողներից և խմբագրից պահանջում են խոշոր և մանրակրկիտ աշխատանք:

Սակայն այդ երկրորդ հրատարակության մեջ ևս սպրդել են սակավաթիվ սխալներ և առաջացել մի քանի թյուրիմացություններ, որոնց վրա անհրաժեշտ ենք համարում կանգ առնել:

Սովետական Հայաստանի տերիտորիան 7-րդ Լջում նշված է ճիշտ՝ 29,8 հազ. քառ. կմ, իսկ 9, նաև 10—73 Լջերում տպագրված՝ շրջանների տարածության գումարը ավելի պակաս է: Եթե այդ վերջին թվին ավելացնենք Սևանա լճի մակերեսի լրիվ տարածության թիվը, կրկին պակաս է մնում: Նույն թերությունը դիտում ենք նաև ռուսերեն տեքստում:

Անունների այրբենական ցուցակներում նկատվում են հերթականության մասնակի խախտումներ. օրինակ, քաղաքատիպ բնակավայրերի շարքում Սևանը նշված է Սովետաշենից և Սպիտակից հետո: Շրջանների ցուցակում, Ապարանի շրջանի Արագած գյուղի անունը նշված է Ափնա գյուղից հետո. Կոտայքի շրջանի Արամուսը նշված է Առինջից առաջ: Գյուղական Սովետների տերիտորիայում գտնվող բնակավայրերի ցուցակում՝ Սիսիանի շրջանի Սիսիան գյուղը նշված է Սպանդարյան գյուղից հետո, բնակավայրերի ընդհանուր այրբենական ցուցակում «դ» և «ս» տառերով անունների շարքում նկատվում են նման կարգի թերություններ: Նույն կարգի սխալներ սպրդել են նաև ռուսերեն տեքստում:

Ախտայի շրջանի Լուսավան քաղաքատիպ ավանի վերաբերյալ ոչինչ չի ասված, թե որտեղ է նա գտնվում. ընթերցողը ոչ մի կերպ չի կարող տեղեկանալ Տեղեկագրի ցուցակից: Լուսավանը նորակառույց քաղաքատիպ ավաններից մեկն է:

Գյուղական Սովետների քանակը Հայկական ՍՍՌ 1948 թվականի վարչա-տերիտորիալ առաջին ցուցակում եղել է 711, ըստ ՍՍՌՄ վարչատերիտորիալ բաժանման 1954 թվականի հրատարակության՝ 675, իսկ ըստ Հայկական ՍՍՌ վարչա-տերիտորիալ բաժանման 1955 թ. հրատարակության՝ 440. ոչ մի բացատրություն չկա, թե ինչու է պակասել:

Ծանոթանալով Հայկական ՍՍՌ վարչա-տերիտորիալ բաժանման մեջ թվարկված բնակավայրերի ցուցակի հետ, նկատում ենք, որ Ծաղկաշեն, Զրաշեն և Սարալանջ անուններով Հայկական ՍՍՌ-ում կա 4-ական գյուղ. Ագարակ, Գետաշեն, Թաղադուղ անունով՝ 5-ական գյուղ:

իսկ նորաշեն անունը կրում են 6 բնակավայրեր՝ Ապարանի, Արթիկի, Արտաշատի, Շամշադինի, Սևանի և Ստեփանավանի շրջաններում:

Անունների այդ կրկնությունը դժվարացնում է թե՛ փոստի և թե՛ քաղաքացիների փոստային առաքումների գործը:

Հիշյալ խնդիրը, ինչպես նաև դեռևս բնակավայրերի ցուցակում մնացած Հայկական և ադրբեջանական գյուղերի վատահնչյուն անունները սպասում են իրենց լուծմանը Հայկական ՍՍՌ Գերագույն Սովետի տառադարձական հանձնաժողովի կողմից:

ՀՍՍՌ վարչա-տերիտորիալ բաժանման Տեղեկագրի առաջին հրատարակությունը վաղուց պատված էր. բացի այդ, այս 7 տարվա ընթացքում շատ անուններ հնացել և փոփոխվել են:

Նոր հրատարակության կարիքը խիստ զգացվում էր Այդ մեծապես անհրաժեշտ է շատերին՝ վարչական մարմիններին, պետական և տնտեսական կազմակերպություններին, գիտական և մանկավարժական հիմնարկներին, ինչպես նաև, առհասարակ, առանձին քաղաքացիներին:

Ողջունելի պետք է համարել Հայկական ՍՍՌ վարչա-տերիտորիալ բաժանման Տեղեկագրի 2-րդ հրատարակությունը:

ՀՈՎՀ. ՍՏԵՓԱՆՅԱՆ